


UNITED STATES OF AMERICA



FOUNDED 1836

WASHINGTON, D.C.

DISSERTATIO MEDICA
INAUGURALIS

DE

SCROPHULA;

QUAM,

SUB MODERAMINE VIRI REVERENDI

GULIELMI SMITH, S. T. P.

ACADEMIÆ PHILADELPHIENSIS PRÆFECTI;

NEC NON,

EX CURATORUM AUCTORITATE, ET FACULTATIS MEDICÆ DECRETO;

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS,

RITE ET LEGITIME CONSEQUENDIS,

ERUDITORUM EXAMINI SUBJECIT


JACOBUS GRAHAM,

AD DIEM 23 JUNII, HORA LOCOQUE SOLITIS.

PHILADELPHIÆ:

EX OFFICINA GULIELMI YOUNG.

M, DCC, XCI.



THE UNIVERSITY OF CHICAGO
DISSERTATION
BY
GEOFFREY H. BROWN
IN CANDIDACY FOR THE DEGREE OF
DOCTOR OF PHILOSOPHY
DEPARTMENT OF THE HISTORY OF ARTS
AND ARCHITECTURE
CHICAGO, ILLINOIS
1964

M. H. Landy

1833

DISSERTATIO MEDICA

INAUGURALIS

DE

SCROPHULA.

LEGIBUS hujusce Academiae morem gerens, quae postulant quemcumque summos in medicina honores ambientem, aliquod scientiae tentamen in medium proferre; Scrophulam, ~~argumentum dissertationis mihi proposui~~ Et cum experientia sit fundamen, cui medicinae praxis inniti debeat, per totum cogar, undique ex scriptis et expertorum operibus, quodcumque mihi maxime arrideat eximere.

DEFINITIO.

PLERAEQUE morborum definitiones mancae sunt; sed quoniam Cullenus, naturae maxime fidus observator, accuratius quovis alio medico omnes

B

A orationis hujus argumentum, selegio.

400743

fere morbos descripsit, ejus definitione hujus morbi hisce verbis comprehensa utor, “ Glandularum (nempe) conglobatarum, præsertim collo, tumores; labium superius et columna nasi tumida; facies florida, cutis levis; tumidum abdomen.”

M O R B I H I S T O R I A.

SCROPHULA systemate lymphatico præcipue sita est, at brevi, post accessionem, totum corpus laborat.

TENERI flaccidique huic morbo sunt maxime obnoxii, et qui sunt insignes crinibus albis, oculis cæruleis, rubicundo oris colore, et conscissis tumidisque labiis superioribus.

Hic morbus ⁱⁿ infantibus usitatus se ^{se} ostendit, annum intra ætatis secundum octavumque, raro ante secundum sed sæpe post octavum.

SYMPTOMA primum, quod externe apparet, est inflatio glandularum sub maxilla, et circa colulum. Tumores quoque nonnunquam apparent digitis, cubito, et interiore lacerti parte, et axilla: itidem superiori cruris parte, subter genu, super femur, et in inguinibus. Oculi sunt inflammatione affecti, ex qua caligo interdum indu-

citur, et palpebræ tumore atque nonnunquam minutis ulceribus exesæ. Vasa lymphatica altius tergo sita, et quoque femoribus, injuria rupta, nonnunquam scrophulosa fiunt; tunc dolor est maxime acerbus, præsertim nocte.

TUMORES collo, sub auribus, aut maxilla, sunt primo parvi, molles, globosi, sub cute mobiles, absque dolore aut coloris mutatione. Hoc modo manent nonnunquam in annum et ultra, haud magna mutatione. Inde gradatim incrementum accipiunt, et ni discutiantur, suppurationis speciem subeunt, qua tumores flaccidiores et molliores redduntur. Hoc gradu cutis purpurascit et nitescit, puris fluctuatio, quod viam sibi in partes externas lente parat, liquido sentitur. Tumores phlegmonum acumen minime induunt. Exulceratio integumentorum est quoque tarda; sed tandem, cum cutis nequit ultra resistere, disrumpitur, et per unam aut plures aperturas nullo dolore pus effunditur.

SANIES effusa puris speciem primo induit, sed multo viscidior est, et haud æque bene concocta. Particulæ exalbidæ, lactis coagulo simillimæ, cum materia serosa effluunt, quæ visci-

dior in dies fit, et puri minus similis. Uti tumores subsident, sic ulcera se extendunt; et, quam minime altius penetrant, nequaquam cicatricem obducunt aut sanari volunt.

Hoc modo diu manent, dum alii tumores, ulceribus succedentibus, ut modo descripsimus, eveniunt; et nonnulli tumorum, qui primi apparuerunt, aere ætate, sed vere subsequenti iterum erumpunt.

MORBUS nonnunquam in longum protrahitur, dum tumores tumoribus succedunt, et ulcera ulceribus, donec tandem sua sponte definit, relinquitque partes affectas fœdis cicatricibus deformes, minime arte vel natura delendis.

POSTQUAM morbus diu duravit, ^{verit} articuli interdum fiunt morbidi, et ligamenta, cartilagine, et ossium extrema, quæ articulos efficiunt, saniei effusi acrimonia multum eroduntur. Hujus saniei acrimonia talis est, ut ni remedium brevi adhibeatur, succos totius corporis vitiat, et febris hectica subsequitur, qua male sanus mox obit.

MESENTERIUM parvulorum sæpius, ut opinor, afficit quam medici suspicantur. Sympto-

mata, quæ inde oriuntur, variis causis adscribuntur, et sæpius aliis quam veræ. Cum hujus partis glandulæ aut vascula morbo affecta sunt, necesse est totum corpus tabescere ^{he} : enim ~~h~~ fontes sunt ex quibus omnes corporis partes succos nutrientes exhauriunt.

SYMPTOMATA, quæ in hoc morbi gradu usitatus apparent, sunt musculorum flacciditas; vultus pallor; averfatio ^{coarctis} cujusvis ~~exercitationis~~, ~~corp~~ ~~oris~~, præcipue mane; fitis inusitata; appetitus variatio, nonnunquam felix, alias mediocris; calor maximus, præsertim palmis; oris fœtor; viscerum dolor; venter nonnihil tumidus; pulsus frequens atque debilis.

HÆC primo suspicantur esse dentitionis aut vermium symptomata: at mox, ventris dolor augetur, et paulo post æger, quasi spasms distortus, diem supremum obit.

MORBUS nonnunquam in hydropem desinit. Pulmones itidem interdum afficiuntur; cujus affectionis symptomata sunt, tussis gravis aridaque, spirandi difficultas, dolor obtusus subter claviculam, in latere aut sub sterno. Æger pa-

rum expectoratur, discruciat, et, ni mature sustentatus, hoc morbo in pulmonum exulcerationem desinente, abripitur.

TUBERCULA diversi generis pure referta in pulmonibus post mortem inveniuntur.

HUNTERUS jam pridem observavit, glandulas lymphaticas, præsertim colli et pulmonum, utpote aeris impulsui expositas, huic morbo esse maxime obnoxias.

GLANDULÆ salivariæ, teste Culleno, raro scrophulofæ fiunt.

VISCERA abdominis sunt hoc morbo nonnunquam affecta, utpote reperta supra modum aucta.

HI, qui mitiore mutabilique cælo fruuntur, huic morbo sunt maxime obnoxii. Illos magis quam qui immodico frigori calorigue objecti sunt adoritur.

HUMANO generi minime proprius est, quoniam simias caudatas, porcos, equosque afficit.

SCROPHULA plerumque externe apparet vere aut circiter æstatis initium. Symptomata tempestatibus revolventibus multum afficiuntur et variantur. Tumores et exulcerationes glandularum,

quæ erumpunt vere, fere evanescent aut exsiccantur sequenti æstate, et ita manent usque dum ver redit, quo iterum erumpunt, et vices supra memoratas subeunt.

SCROPHULA Hippocrati, Celso, Plinioque nota fuit, qui, sub nomine strumæ, accurate descripserunt.

CELSUS, de hoc morbo loquens, notat, “ Struma quoque est tumor, in quo subter concreta quædam ex pure et sanguine, quasi glandulæ, oriuntur. Quæ ~~præcipue~~ ^{medicos} præcipue fatigare ~~medicos~~ solent, quoniam et febres movent, nec unquam facile maturescunt, et sine ferro, sine medicamentis curantur. Plerumque iterum juxta cicatrices ipsas resurgunt, multoque post medicamento opus est. Quibus id quoque accidit, quod longo spatio detinet. Nascuntur maxime in cervice, sed etiam in alis, et inguinibus, et in lateribus. In mammis quoque fœminarum se reperisse, Chirurgicus Meges auctor est.”

FREQUENS fuit quoque tempore Edvardi cognomine Confessoris. Is dicitur primus fuisse qui tactu mederi conatus est, et ob hoc plurimi miserorum hoc morbo laborantium ei allati fuere.

PLERIQUE, qui de hoc morbo scripserunt, suspicabantur esse congenitum, et magna ex parte ^a ~~ex~~ patribus oriri. ^{hbc} ~~Causa~~ præcipua, quæ medicos induxit ut sic censerent ^{hbc} fuit; quod liberi in quibus morbus apparuit, et quorum parentes eo itidem infecti fuere, ægro parenti temperie similiores erant.

LIBERI proculdubio imaginem parentum ^{scilicet} reddunt, non solum persona, sed etiam temperie: unde si duo, debili corporis habitu, parvulos genuerint, parvuli fere debiles erunt; sed tamen contra nonnunquam accidit. Itidem, si duo, dissimiles habitu, procreaverint, nonnulli procreatorum inveniuntur esse similes utrique parentum. Et denique, si parentes firmitate corporum, pollentes prolem produserint, proles plerumque ^{erit} valens vigenisque ~~est~~

QUANDOQUIDEM hic morbus infantes ad ortus est minime ei natura prædispositos, ~~et~~ ^{que} quorum ^{que} ~~que~~ parentes eo nunquam affecti fuere; at in quibus ortus est ex prava nutritione, aut ex quovis morbo glandularum lymphaticarum diathesin morbidam inducente; et quoniam quidam parvuli parentibus scrophula affectis sati, iisque et

habitu et temperie simillimi, nunquam ostendunt vel minima hujus vestigia, ^{ideo,} animum nequeo inducere ut credam scrophulam esse morbum hæreditarium.

HIS minime consentire queo, qui opinantur hunc morbum esse contagiosum, neque iis, qui suspicantur ex lue venerea oriri. Si hi morbi ejusdem naturæ essent, eadem remedia opem ferrent, sed quoniam contra re patet, certe liquet, *eos esse* dissimili natura, ~~esse~~.

De CAUSIS REMOTIS.

JAMJAM notavi hunc morbum non esse congenitum : et quo magis mecum cogito, eo certius mihi videtur a parentibus non esse deductum, sed nasci ex prava parvulorum tractatione, viz.

1. Ex defectu exercitationis, munditiei, et aeris puri.
2. Ex detentione in cunis, stomachis repletis, et perpetuis potionibus somniferis, quibus chylicatio læditur, et constitutiones, quæ alioquin sanæ firmæque forent, imbecilles redduntur.
3. Ex contusionibus, vulneribus, frigore, instabili tempestate, præcipue vere et tempore autumnali.
4. Ex ~~detinendis~~ *planis* et palustribus

locis. 5. Ex mutatione aut erroribus quoad modum aut genus ciborum. 6. Ex diversis morbis, viz. variolis, rubeolis, et omni^{um} gener^{um} febribus. Quibus omnibus causis glandulæ mesenterii, thoracis, cervicisque et denique pulmonum afficiuntur; totum corpus enervatur, et quantum chyli quod opus est systematis nutrimento, absorbi nequit.

De MORBI NATURA.

CULLENUS arbitratur, proximam hujus morbi causam esse universam succorum acrimoniam ex singulari^{quodam} glandularum lymphaticarum structura inductam.

MONRO quoque credidit oriri ex humorum acrimonia; et hanc acrimoniam, nescit quomodo procreatam, depositam esse in glandulis lymphaticis, et tumores efficere.^{tamen}

RUSSELLUS censet morbum ex lymphatici systematis atonia enasci. Hæc opinio mihi maxime arridet, quoniam si rite perpendamus illos qui sunt scrophulæ maxime obnoxii, atque etiam causas quæ eam inducunt, certe apparebit eos esse laxos debilesque, et causas tales esse quæ totum corpus debilitent.

FLUIDA proculdubio vitium contrahunt antequam morbus in longum duraverit^{erit} sed est cur asseveremus, hoc vitium fluidorum effectum morbi potius quam causam esse. Verisimile videtur, solida primo ex debilitate laxa fieri, et fluida inde viscida, et minus idonea officio suo reddi.

Ex his causis, nempe ex vasorum debilitate et fluidorum visciditate, obstructiones oriuntur. Hæ præcipue se^{se} ostenduntⁱⁿ partibus jampridem morbo affectis aut debilitatis, utrum ex frigore, quo vasa capillaria constringuntur; vel ex obstructione cujusvis natalis aut factitiæ evacuationis; vel, denique, ex victu nimis largo, somno incomposito, et omnibus causis supra recensitis.

De RATIONE MEDENDI.

SCROPHULÆ medela multimodis a variis medicis incepta fuit. Nonnulli laudibus extulerunt aquam marinam introsumptam et pro balneo adhibitam, ut et aquam mineralem, ex opinione acrimoniam, morbi causam, systemati lymphatico inhærentem, his^{ce} rationibus dilui posse.

RUSSELLUS testatur felicissimos exitus ex usu aquæ marinæ provenire. Multoties hoc remedio usus est, et fere semper maximo comodo.

HUNTERUS quoque hoc remedium, et lanea vestimenta, præsertim hyeme gerenda, summis laudibus effert.

ALII autem, morbum esse prorsus debilitatis, et totum corpus esse languidum infirmumque, rati sunt. Ii, hac sententia ^{brevis} corticem Peruvianum, variasque hydrargyri, sibi, plumbique, formulas, alkali volatile quoque, aliaque similis naturæ remedia, sed fere semper magno incommodo, præscripserunt.

MEDICI extant, qui asseverant, medicamina vulgo dicta discutientia, fomentationes, et omnis generis cataplasmata morbum in pejus accelerare, et tumores ut saniem emittant efficere. Etsi hoc sæpius accidit, tamen velim cicutæ vim hic præcipue experiri, cum Fothergillus eam tam fauste applicuit, non solum externe sed etiam interne, variis morbis glandularum atque cutis.

CRAWFORD, Londini, ut ex literis ad Duncan patet, terram ponderosam muriatam nuper

in usum introduxit. De ejus effectibus loquens observat, scrophulam ea penitus subactam esse, postquam in pessimum gradum pervenisset, et formam maxime malignam assumpsisset. In multis quoque carcinomatis casibus succurrit, in nonnullis in sanitatem restituit. Præterea observat, hoc medicamen utilissimum esse in cutis eruptionibus, et crurum ulceribus.

FORMULA hujus salis, qua utebatur, fuit solutio saturata, in aqua acidulata, dosibus a quatuor ad decem guttas bis die. Præscripsit quoque fumendas ⁱⁿ aqua pluviali aut distillata, nam arbitrabatur remedium inefficax fore, si aqua vulgo dicta ~~dura~~ affumeretur.

MEDICI multi spongiam ustam in hujus morbi remedium laudibus extulerunt.

PRÆFATIS remediis a celeberrimis medicis commendatis, nunc ad medendi modum ex symptomatum natura deductum transeo.

CULLENUS expertus est balneum frigidum, et frigus læsis partibus appositum, omnium remedium esse utilissimum. Ex hoc suspicor scrophulæ diathesin esse duplicem, alteram nonnunquam nimix incitationis, alteram debilitatis. Quod

frigus debilitat unusquisque confitetur ; tunc si scrophula morbus esset meræ debilitatis, loco leniendi frigus morbum augetet.

UT ratione procedamus æquum erit, ut opinor, symptomata in duas classes sejungere ; in prima disponere hæc quæ inflammationem aut nimiam incitationem fere comitantur, in altera quæ debilitati conjuncta sunt.

CLASSI primæ aut inflammatoriæ pertinent affectiones mesenterii, jecoris, pulmonum, et bronchiarum ; itidem labiorum, faciei, sub maxilla, et circa collum tumores ; occipitis eruptiones ; rubor et tumor oculorum palpebrarumque. In omnibus quibus affectionibus pulsus plerumque frequens est atque tensus, quocirca talia remedia adhibenda, quæ nota sunt esse maxime efficacia in medendis morbis in quibus nimia incitatio inest.

PRIUS QUAM aliquid aggrediamur sedulo perpendere necesse erit. 1. Ægri ætatem atque temperiem. 2. An totum systema lymphaticum vel pars modo affectum sit. 3. Progressum gradumque morbi.

His rite perpenſis, ſi ex ſymptomatibus appareat, pulſu præcipue, (quo duce freti haud sæpe errabimus) remedia antiphlogiſtica eſſe neceſſaria, tunc utendum erit ſequentibus ; nempe :

1. SANGUINIS emiſſione. Pulſus lumen nobis præbebit, quoad modum tempuſque quo repeti debeat. Medici Ruſſellus et White, qui hunc morbum ſcienſerunt, curaveruntque, ſanguinem emiſerunt, et medicamenta quæ corpus debilitant exitu feliciffimo præſcripſerunt.

2. MEDICAMENTIS catharticis. Lenes hydrargyri preparationes antepoſendæ ſunt, quoniam glandularum et vaſculorum lymphatici ſyſtematis obſtructiones ſolvunt. Hæ preparationes adhibendæ ſunt noctu, exiguis doſibus, ſic ut alvum leniter cieant. Si tempore dentur, morbo venienti occurrunt, qui ſemel inductus ægre radicitus evelli poteſt. Si quævis aciditas ventriculo adſit, aptum erit hydrargyrum cum quibuſdam mitioribus abſorbentibus adunare. Laxantia adminiſtrentur quarto quoque vel quinto die.

3. ABSTINENTIA. Uſui erit in hoc morbi gradu a carniſum uſu ciboque plus fatiſ nutrienti abſtinere.

4. REFRIGERANTIBUS. Refrigerantia partibus dolorificis apposita maximi momenti sunt. Beneficia, quæ ex frigoris usu oriuntur, in omnibus morbis ubi est nimia incitatio, jam nota sunt cunctis. Corporis calorem minuit, respirationem coercescit, pulsumque tardiozem reddidit : unde nullum aliud remedium inveniri potest, morbis inflammatoriis hoc accommodatius, morbi gradu frigorisque rite considerato.

TUMORES, admoto tepido vapore aut electricitate aliquando, resoluti fuere. Unguentum ex hydrargyro magno beneficio a nonnullis in usum adhibitum fuit ; et præterea, vesicatoria et ammoniacum vegetabile.

SI capiti eruptiones appareant emplastrum saturninum aut ex cera iis adhiberi debeat.

PALPEBRIS inflammatis, aut ulceribus exesis, utile erit aquam vegeto mineralem ^{vel} ~~aluminis~~ solutionem aut vitriolis albi, adhibere ; et, ne noctu cohæreant, quovis miti unguento oblinere.

HÆC remedia, regimine idoneo rite observato, raro, in hoc morbi gradu, expectationem fallunt.

TESTES marium, circiter pubertatem, tumore nonnunquam afficiuntur. Quando hoc accidit ægrum lecto affigere opus erit, et, scroto suspenso usque dum hoc symptoma evanuerit, sic detinere. A pulsu, hic quoque, roboris indicia petenda sunt. Hoc, discemus an usui erit sanguinem emittere, catharsin administrare, ut et quale regimen præscribendum sit.

PUELLARUM mammæ, circiter ætatem supra dictam, tumore similiter afficiuntur, et tumor fere se in alas extendit, et sic doloris experts diu manet.

HIC, quoque, remediis supra recensitis inflammationi obsistere aptatis, uti usus postulet, utendum est.

SCROPHULA in pulmonum tabem aliquando terminat; sed quando has partes afficit, irrepit adeo tecte, ut ~~non se~~ ^{se non} manifestat, usque dum corpus jam devictum fuerit.

UT in tabe a quibusvis aliis causis orta, regimen symptomatibus succurrit, et malorum lenimen, in quoddam tempus, dolenti præbet, sed morbus fere semper exitium affert.

MIGRATIO in cœlum serenum, lenis corporis exercitatio, et mites hydrargyri formulæ, alvum leniter cientes, ~~maximi momenti~~ ^{maximi aut momenti} in hoc morbi gradu, ~~est~~. ^X Cibis sit solubilis et stomacho gratus. Totius corporis frictio, languorem et relaxationem huic morbi gradu individuum maxime subleuat.

DE remediis secundo morbi gradui aptatis. In hoc morbi gradu, ut posthac ordine apparebit, universæ debilitatis symptomata adfunt, pulsus debilis est, totumque corpus languidum.

CUM prima scrophulæ symptomata, post pertussim, rubeolas, variolas, aut febres cujuscunque generis se indicant, non dubitandum quin morbus ex debilitate pendet. Hinc canales succiferi obstruuntur, et officio suo fungi incapaces redduntur.

SYSTEMA lymphaticum non solum hic patitur, verum etiam totum corpus mutua debilitate afficitur.

PRIMO tentandum est ut obstruções removeamus, quoniam minime potest fieri, ut corpus, absorbentibus obstructis aut debilitatis, in sanitatem redeat. Quo feliciter hoc efficiamus, reme-

*maximi
aut momenti*

dia, quæ systema minime perturbent, eligenda sunt. Ad hoc hydrargyrum crudum cum mucilagine conjunctum interne administrari potest, et partes externæ unguento ex eodem fricandæ. Thermæ in hoc morbi gradu usui sint. Ægri cibus sit levis et concoctu facilis, qualis, lac, juscula, et jus e carnibus elixis concretum. Potus autem sit acescens, parum vinosus, sed nequaquam spirituosus. Lenis corporis exercitatio quoque, in regione excelsiori salubrique, in sanitatem maxime conducit.

PRÆCIPUE cavenda est alvi astrictio. Si diarrhœa adfit, laudano coercenda est.

HIS remediis rite prolatis, dolor fere sedatus erit et salus instaurata.

ETSI medicamina supra recensita dispensata fuerunt, morbus nihilominus symptomata ingrata nonnunquam exhibet. Glandulæ cervicis, aliarumque corporis partium tumore affectæ, in suppurationem tendunt et speciem longe aliam quam antea induunt. Cutis colorem mutata, tenuior fit, et tumor ipse flaccidior redditur.

A MEDICIS disputatum fuit, utrum tumores aperiantur necne. Plerique passi sunt sponte

rumpi. Æquum erit remedia in resolutionem prius adhibere, et si hoc non possit effici, prorsus arbitror tumores, fluctuatione manifesta, recludi debere.

CAUSÆ, quæ cogunt ut sic censeam sunt: 1. Apertio fieri potest loco maxime idoneo. 2. Saniem citius exhauriri potest, quam si tumores naturæ relinquantur.

HÆc mala eveniunt ex tumoribus relictis, usque dum pus viam sibi per cutem patefaciat. 1. Longum erit, priusquam cutis adeo tenuis fiet, ut puri transitum præbeat. 2. Apertio non solum parva erit, sed etiam loco incommodo. 3. Puris detractio diutius morabitur quam si tumores aperiantur.

QUANDOQUIDEM rarissime accidit, ut pus semel effectum postea absorbeatur, maxima beneficia ex tumoribus tempore referendis manabunt. Quo diutius a vi medicus se retinet, eo debilius ægri systema, et morbus ~~difficilior~~ *fit* ad medendum ~~est~~ *difficilior.*

INCISIONE facta, usui erit aliquod mite astringens injicere, et postea quoddam lene emplastrum parti apponere.

NUNC enitendum est corporis vires restituere, ut hoc malum tantum locale abigamus : et quoniam totius corporis laxitas adest, nullum præstantius remedium inveniri potest cortice Peruviano, dosibus diathesi rite accommodatis.

EA scrophulæ species, quæ morbis jam enumeratis succedit, fere localis est, et finem propitium habet. Pessima est ea, quæ, cum rachitide conjuncta, ex prava nutritione oritur. Hac, totum systema vitiatur, ossa deformia redduntur, et si æger primo accessui supervixerit, infirmus per totam vitam postea manet.

LINIMENTI volatilis et vesicatoriorum usus, lymphaticorum altius repositorum, dolorem fere lenit. Si tamen tumor dolorque maneant, et feri effusi absorptio effici nequit, incisio maturius fieri debet. Si tumores, usque dum sponte patefiunt, permanere patimur, universam debilitatem augeamus, et morbum difficilius sanatu reddimus.

PUNCTURA fit parva, et vulneris tractatio eadem ut supra.

MEDENDI indicatio hic quoque est debilitatem sublevare. In hoc, cortex Peruvianus primum locum tenet. Nullum aliud remedium, teste Fo-

thergillo, hoc aptius, huic scrophulæ gradui inveniri potest. De hoc medicamento loquens ait, “ The first attempt I made in the cure of some scrophulous complaints by the bark, afforded me sufficient encouragement to proceed : and I have now the satisfaction to know many young people of both sexes free from any appearances of this disease, who, in their infancy, had been infested with very painful ophthalmies, swelled lips, and the like complaints, in spite of many efficacious remedies which had been applied.”

IDEM Fothergillus, corticem nullius usus esse notat, quando ossa aut articuli afficiuntur. Loco minuendi, febrem ossibus læsis comitem auget, et hinc nocet. Una cum cortice Peruviano, maxima beneficia, in hoc morbi gradu, ex usu vini, opii, cibi nutrientis potusque, lenis exercitationis, aerisque puri, oriuntur.

QUANDO ossa carie aut exfoliatione affecta sunt, morbus tardus erit et molestus. Medicamina, quæ systemati tonum reddant, sunt præcipue necessaria. Vires, hic quoque, victu lauto, aere puro, corporis exercitatione, et applicationibus stimulantibus partibus læsis, revocandæ sunt.

Med. Hist.

WZ

270

G739d

1791

C11

